



## Ráiteas Um Chumhdach Leanaí

### Scoil Naomh Ciarán

Is bunscoil í Scoil Naomh Ciarán a sholáthraíonn oideachas bunscoile do dhaltaí ó na Naíonáin Shóisearacha go Rang a Sé.

De réir cheanglais an Achta um Thús Áite do Leanaí 2015, Tús Áite do Leanaí: Treoir Náisiúnta um Chosaint agus Leas Leanaí 2017, an Aguisín a ghabhann le Tús Áite do Leanaí (2019), na Nósanna Imeachta um Chosaint Leanaí do Bhunscoileanna agus d'Iar-Bhunscoileanna 2017 agus Treoir Tusla maidir leis na Ráitis um Chumhdach Leanaí a ullmhú, chomhaontaigh Bord Bainistíochta Scoil Náisiúnta Aird Mhóir an Ráiteas um Chumhdach Leanaí atá leagtha amach sa doiciméad seo.

- 1 Tá an Bord Bainistíochta tar éis Nósanna Imeachta um Chosaint Leanaí na Roinne do Bhunscoileanna agus d'Iar-Bhunscoileanna 2017 a ghlacadh agus déanfaidh sé iad a chur chun feidhme go hiomlán agus gan iad a mhodhnú mar chuid den Ráiteas foriomlán um Chumhdach Leanaí
- 2 Is í **Éabha Ní Chualáin** an Teagmhálaí Ainmnithe (TA)
- 3 Is í **Cáit Ní Choistealbha** an Leas-Teagmhálaí Ainmnithe (Leas-TA)
- 4 Aithníonn an Bord Bainistíochta go mbaineann cúinsí cosanta agus leasa leanaí trí gach gné de shaol na scoile agus go gcaithfear iad a léiriú i mbeartais, nósanna imeachta, cleachtais agus gníomhaíochtaí uile na scoile. Comhlíonfaidh an scoil, ina cuid beartais, nósanna imeachta, cleachtais agus gníomhaíochtaí, na prionsabail a leanas maidir le dea-chleachtas i gcosaint agus leas leanaí:

#### Déanfaidh an scoil an méid a leanas:

- aithneoidh sí go bhfuil cosaint agus leas leanaí thar a bheith tábhachtach, beag beann ar gach breithniú eile;
- comhlíonfaidh sí go hiomlán a hoibleagáidí reachtúla faoin Acht um Thús Áite do Leanaí 2015 agus comhlíonfaidh sí reachtaíocht ábhartha eile a bhaineann le cosaint agus leas leanaí;
- comhoibriú go hiomlán leis na húdaráis reachtúla ábhartha maidir le cosaint leanaí agus cúrsaí leasa;
- cleachtais shábháilte a ghlacadh chun an fhéidearthacht go dtarlódh díobháil nó timpistí do leanaí a íoslaghdú agus chun oibrithe a chosaint ar an ngá le rioscaí neamhriachtanacha a ghlacadh a d'fhéadfadh iad féin a fhágáil ar oscailt do chúiseamh mí-úsáide nó faillí;

- cleachtas oscailteachta a fhorbairt le tuismitheoirí agus rannpháirtíocht tuismitheoirí in oideachas a gcuid leanaí a spreagadh; agus
- urraim iomlán a bheith acu ar cheanglais rúndachta agus iad ag déileáil le cúrsaí maidir le cosaint leanaí.
- Comhlíonfaidh an scoil na prionsabail thuas freisin maidir le haon scoláire fásta atá faoi leochail speisialta.

## 5 Tá na nósanna imeachta/bearta seo a leanas i bhfeidhm:

- Maidir le haon bhall foirne atá faoi réir aon imscrúdaithe (cibé mar a thuairiscítear sin) maidir le haon ghníomh, neamhghníomh nó imthoisc i ndáil le leanbh atá ag freastal ar an scoil, comhlíonann an scoil na nósanna imeachta ábhartha atá leagtha amach i gCaibidil 7 de na Nósanna Imeachta um Chosaint Leanaí do Bhunscoileanna agus d'Iar-Bhunscoileanna 2017 agus comhlíonann an scoil na nósanna imeachta araíonachta comhaontaithe ábhartha d'fhoireann scoile atá foilsithe ar shuíomh gréasáin ROS.
- Maidir le roghnú nó earcú foirne agus a n-oiriúnacht chun oibriú le leanaí, comhlíonann an scoil ceanglais reachtúla grinnfhiosrúcháin Achtanna an Bhiúró Náisiúnta Grinnfhiosrúcháin (Leanaí agus Daoine Soghonta) 2012 go 2016 agus comhlíonann an scoil an treoir níos leithne maidir le dualgas cúraim a leagtar amach i gCiorcláin ghrinnfhiosrúcháin agus earcaíochta Garda a d'fhoilsigh ROS agus atá ar fáil ar shuíomh gréasáin ROS.
- Maidir le faisnéis, agus, nuair is gá, treoir agus oiliúint, a sholáthar don fhoireann i ndáil le tarlú díobhála a shainaithint (mar a shainmhínítear in Acht 2015) tá an méid a leanas déanta ag an scoil-
  - Cuireadh cóip de Ráiteas um Chumhdach Leanaí na scoile ar fáil do gach ball foirne
  - Cinntítear go gcuirtear cóip de Ráiteas um Chumhdach Leanaí na scoile ar fáil do gach ball foirne nua
  - Spreagtar baill foirne chun leas a bhaint as oiliúint ábhartha
  - Spreagtar baill an Bhoird Bainistíochta chun leas a bhaint as oiliúint ábhartha
  - Coinníonn an Bord Bainistíochta taifid ar gach oiliúint ar bhaill foirne agus ar bhaill den Bhord
- Maidir le Tusla i ndáil le hábhair imní um chosaint leanaí a thuairisciú, ceanglaítear ar gach duine den phearsanra scoile na nósanna imeachta atá leagtha amach sna Nósanna Imeachta um Chosaint Leanaí do Bhunscoileanna agus d'Iar-Bhunscoileanna 2017 a chomhlíonadh, lena n-áirítear i gcás múinteoirí cláraithe, iad siúd atá sainordaithe chun tuairisciú faoin Acht um Thús Áite do Leanaí 2015.
- Sa scoil seo tá teagmhálaí ainmnithe ceaptha ag an mBord mar an “duine ábhartha” (mar a shainmhínítear san Acht um Thús Áite Leanaí 2015) mar an gcéad phointe teagmhála maidir le ráiteas cosanta leanaí na scoile.

- Is daoine sainordaithe iad na múinteoirí cláraithe ar fad atá fostaithe ag an scoil faoin Acht um Thús Áite do Leanaí 2015.
- De réir an Achta um Thús Áite do Leanaí 2015 agus san Aguisín a ghabhann le Tús Áite do Leanaí (2019), rinne an Bord measúnú ar aon fhéidearthacht díobhála do leanbh agus é nó í ag freastal ar an scoil nó ag glacadh páirte i ngníomhaíochtaí scoile. Tá measúnú scríofa ina leagtar amach na réimsí riosca a sainaithníodh agus nósanna imeachta na scoile chun na rioscaí sin a bhainistiú san áireamh sa Ráiteas um Chumhdach Leanaí.
- Is féidir teacht ar na nósanna imeachta éagsúla dá dtagraítear sa Ráiteas seo ar shuíomh gréasáin na scoile, ar shuíomh gréasáin ROS nó cuirfear ar fáil iad arna iarraidh sin ag an scoil.

6 Foilsíodh an ráiteas seo ar shuíomh gréasáin na scoile agus cuireadh ar fáil é do gach ball de phearsanra na scoile, do Chumann na dTuismitheoirí agus don phátrún. Tá sé inrochtana go héasca ag tuismitheoirí agus caomhnóirí ach é a iarraidh. Cuirfear cóip den Ráiteas seo ar fáil do Tusla agus don Roinn má iarrtar sin.

7 Déanfar an Ráiteas um Chumhdach Leanaí a athbhreithniú ar bhonn bliantúil nó a luaithe is indéanta tar éis athrú ábhartha a bheith ann in aon ábhar dá dtagraíonn an ráiteas seo.

Ghlac an Bord Bainistíochta an Ráiteas um Chumhdach Leanaí ar an **27ú Meán Fómhair 2018.**

Rinne an Bord Bainistíochta athbhreithniú ar an Ráiteas um Chumhdach Leanaí ar an **3ú Deireadh Fómhair 2022.**

Síniú: Michael S. MacDonnell Dáta: 03/10/2022

Cathaoirleach, An Bord Bainistíochta

Síniú:  Dáta: 03/10/2022

Príomhoide, Rúnaí an Bhord Bainistíochta



## Measúnú Riosca um Chumhdach Leanaí

### Measúnú Scríofa ar Riosca maidir le Scoil Naomh Ciarán

De réir alt 11 den Acht um Thús Áite do Leanaí 2015 agus de réir cheanglas Chaibidil 8 de na *Nósanna Imeachta um Chosaint Leanaí do Bhunscoileanna agus d'Iar-Bhunscoileanna 2017*, seo a leanas an Measúnú Riosca Scríofa ar Scoil Naomh Ciarán.

#### 1. Liosta de ghníomhaíochtaí na scoile

- Teacht isteach agus imeacht na ndaltaí go laethúil.
- Sosanna lón/briseadh do dhaltáí.
- Teagasc sa seomra ranga.
- Teagasc duine ar dhuine.
- Tacaíocht foghlama duine le duine.
- Comhairleoireacht duine ar dhuine.
- Gníomhaíochtaí teagaisc lasmuigh.
- Teagasc agus foghlaim ar líne ar bhonn chianda.
- Gníomhaíochtaí Spóirt.
- Turais scoile.
- Turais scoile lena mbaineann fanacht thar oíche.
- Turais scoile lena mbaineann taisteal eachtrach.
- Turais chuig láthair chéadfach do pháistí le riachtanais speisialta: Capaillíní Chonamara, Clochán.
- Úsáid limistéar na leithreas i scoileanna agus láthaireacha eile a dtabharann muid cuairt orthu.
- Lá Spóirt Bliantúil ar láthair éagsúla: ar scoil, san Ionad Pobail, Astro Chill Chiaráin, Páirc Peile Charna, faoi stiúir mhúinteoirí agus eagraíochtaí seachtracha (Muintearas, Cumann Lúthchleasaíocht Iorras Aithneach)
- Bliots Spóirt: peil, iománaíocht agus araile.
- Campa DEIS Litearthachta agus Uimhearthachta (samhradh)
- Soláthair Mí Iúil (samhradh)

- Imeachtaí bailiúcháin airgid ina mbíonn daltaí páirteach: ceol na Nollag taobh amuigh den siopa áitiúil / an séipéal, Margadh Mór na Nollag agus imeachtaí eile faoi scáth Thionscnamh na bhFiontraithe Óga (Junior Entrepreneurs Programme)
- Úsáid áiseanna lasmuigh den láthair le haghaidh gníomhaíochtaí scoile (Astro Chill Chiaráin, Páirc Spraoi Chill Chiaráin, An Ionad Pobail agus araile.)
- Cúram leanaí a bhfuil riachtanais speisialta oideachais acu, lena n-áirítear dlúthchúram pearsanta nuair is gá.
- Cúram a thabhairt d'aon scoláire leochaileach, lena n-áirítear dlúthchúram pearsanta nuair is gá.
- Iompar dúshlánach a bhainistiú i measc daltaí, lena n-áirítear srianadh a úsáid go cuí nuair is gá.
- Bainistíocht ar sholáthar bia agus dí.
- Riar Leigheas.
- Riarachán ar Gharchabhair.
- Soláthar curaclaim maidir le OSPS, OCG, Bí Sábháilte.
- Cosc ar an mbulaíocht agus déileáil léi i measc na ndaltaí.
- Pearsanra scoile a oiliúint i gcúrsaí um chosaint leanaí.
- Pearsanra seachtrach a úsáid chun cur leis an gcuraclam.
- Pearsanra seachtrach a úsáid chun tacú le spóirt agus le gníomhaíochtaí seach-churaclaim eile.
- Cúram do dhaltaí a bhfuil leochaileachtaí/riachtanais shonracha orthu amhail.
  - Daltaí mionlaigh eitneacha/imircigh
    - Le haghaidh daoine den lucht taistil
    - Leanaí agus teaghlaigh atá tagtha ón Úcráin
    - Leanaí leispiacha, aeracha, déghnéasacha nó trasinscneacha (LADT)
    - Daltaí a mheastar a bheith ina LADT
    - Daltaí de chreideamh reiligiúnach mionlaigh
    - Leanaí atá faoi chúram
    - Leanaí ar an gCóras Fógartha um Chosaint Leanaí
    - Leanaí a bhfuil riachtanais mhíochaine acu
- Pearsanra scoile a earcú lena n-áirítear –

- Múinteoirí/ Cúntóirí Riachtanais Speisialta
- Cúntóir Teanga (Muintearas)
- Airíoch/Rúnaí/Glantóirí
- Cóitseálaithe spóirt
- Teagascóirí Seachtracha/Aoi-Chainteoirí
- Oibrithe Deonacha/Tuismitheoirí i ngníomhaíochtaí scoile
- Cúairteoirí/conraitheoirí ar scoil le linn uaireanta scoile
- Cúairteoirí/conraitheoirí i láthair le linn gníomhaíochtaí tar éis scoile
- Rannpháirtíocht na ndaltaí i searmanais reiligiúnacha/teagasc reiligiúnach lasmuigh den scoil.
- Úsáid Theicneolaíocht na Faisnéise agus Cumarsáide ag daltaí ar scoil, na meáin shóisialta san áireamh.
- Smachtbhannaí a chur i bhfeidhm faoi Chód Iompair na scoile lena n-áirítear daltaí a choinneáil istigh, fóin a choigistiú etc.
- Scoláirí atá rannpháirteach in eispéireas oibre sa scoil.
- Múinteoirí faoi oiliúint atá ag tabhairt faoi shocrúchán oiliúna ar scoil.
- Físeán/grianghrafadóireacht/meáin eile a úsáid chun imeachtaí scoile a thairfeadh.
- Úsáid áitribh scoile ag eagraíochtaí eile.
- Eagraíocht eile ag úsáid áitribh scoile i rith an lae scoile.

## 2. Shainaithin an scoil an riosca díobhála a leanas maidir lena gníomhaíochtaí -

- Riosca díobhála nach n-aithníonn pearsanra na scoile.
- Riosca gan díobháil a thuairisciú go cuí agus go pras ag pearsanra na scoile.
- Riosca go ndéanfadh ball de phearsanra na scoile díobháil do leanbh sa scoil.
- An baol go ndéanfadh leanbh eile díobháil do leanbh sa scoil.
- An baol go ndéanfadh oibrí deonach nó cuairteoir sa scoil díobháil do leanbh sa scoil.
- An baol go ndéanfadh ball de phearsanra na scoile, ball foirne eagraíochta eile nó duine eile díobháil do leanbh agus an leanbh ag glacadh páirte i ngníomhaíochtaí lasmuigh den scoil e.g. turas scoile, ceachtanna snámha.
- Riosca díobhála mar gheall ar úsáid mhíchuí a bhaint as ardán cumarsáide cianda teagaisc agus foghlama ar líne mar dhuine gan chuireadh ag rochtain an naisc ceachta, daltaí á bhfágáil gan mhaoirsiú ar feadh tréimhsí fada ama i seomraí ar leithligh.
- Riosca díobhála mar gheall ar bhulaíocht linbh.
- Riosca díobhála mar gheall ar chiníochas.
- Riosca díobhála mar gheall ar mhaoirseacht neamhleor ar leanaí ar scoil.
- Riosca díobhála mar gheall ar mhaoirseacht neamhleor ar leanaí agus iad ag freastal ar ghníomhaíochtaí lasmuigh den scoil.
- Riosca díobhála mar gheall ar chaidreamh/cumarsáid mhíchuí idir leanbh agus leanbh nó duine fásta eile.
- Riosca díobhála mar gheall ar leanaí rochtain a fháil go míchuí ar ríomhairí, na meáin shóisialta, fóin agus gairis eile agus iad ar scoil.
- Riosca díobhála do leanaí RSO a bhfuil leochaileachtaí ar leith orthu, lena n-áirítear leochaileachtaí míochaine.
- Riosca díobhála do leanbh agus leanbh faoi chúram pearsanta.
- Riosca díobhála mar gheall ar chód iompair neamhleor.
- Riosca díobhála i gcás teagaisc, comhairleoireachta, cóitseála duine le duine.
- Riosca díobhála mar gheall ar bhall de phearsanra scoile cumarsáid a dhéanamh le daltaí ar bhealach míchuí trí na meáin shóisialta, téacsáil, ar ghléas digiteach nó ar bhealach eile.

- Riosca díobhála de dheasca ball pearsanra scoile rochtain/scaipeadh a dhéanamh ar ábhar míchuí trí na meáin shóisialta, téacsáil, ar ghléas digiteach nó ar bhealach eile.
- Riosca díobhála de bharr bacainn teanga idir scoil agus tuismitheoirí/caomhnóirí pháistí Úcráineacha.
- Riosca meabharshláinte agus inní do theaghlaigh, tuismitheoirí, caomhnóirí agus páistí Úcráineacha atá tar éis fulaingt go mór de bharr an chogadh.

### 3. Tá na nósanna imeachta a leanas i bhfeidhm ag an scoil chun dul aghaidh a thabhairt na rioscaí díobhála a shainaithnítear sa mheasúnacht seo -

- Cuirtear cóip de *Ráiteas um Chumhdach Leanaí* de chuid na scoile ar fáil do phearsanra uile na scoile.
- Cuirtear na *Nósanna Imeachta um Chosaint Leanaí do Bhunscoileanna agus d'Iar-Bhunscoileanna 2017* ar fáil do phearsanra uile na scoile.
- Ceanglaítear ar Phearsanra na *Nósanna Imeachta um Chosaint Leanaí do Bhunscoileanna agus d'Iar-Bhunscoileanna 2017* a chomhlíonadh agus éilítear ar gach ball foirne cláraithe an tAcht um Thús Áite do Leanaí 2015 agus an tAguisín a ghabhann leis (2019) a chomhlíonadh.
- Cuireann an scoil an Clár maidir le Fanacht Sábháilte chun feidhme go hiomlán
- Cuireann an scoil curaclam OSPS chun feidhme go hiomlán.
- Cuireann an scoil an Clár Folláine Oideachas Caidreamh Gnéasachta chun feidhme go hiomlán.
- Tá Beartas Frithbhulaíochta ag an scoil lena gcomhlíontar go hiomlán riachtanais Pholasaithe na Roinne maidir le *Nósanna Imeachta Frithbhulaíochta do Bhunscoileanna agus d'Iar-Bhunscoileanna*.
- Tugann an scoil faoi thionscnaimh feasachta frithchiníochais agus frithbhulaíochta

- Tá polasaí maoirseachta clóis/clós súgartha ag an scoil chun maoirseacht chuí ar leanaí a chinntiú le linn teacht le chéile, imeacht óna chéile agus le linn sosanna agus maidir le limistéir ar leith amhail leithris, rl.
- Tá polasaí agus nósanna imeachta soiléire i bhfeidhm ag an scoil maidir le turais scoile.
- Tá polasaí sláinte agus sábháilteacht ag an scoil.
- Tá polasaí dlúthchúram leanaí i bhfeidhm ag an scoil a roinntear le gach ball foirne.
- Comhlíonann an scoil riachtanais na reachtaíochta maidir le grinnfhiosrúcháin Garda agus ciorcláin ábhartha ROS i ndáil le hearcaíocht agus grinnfhiosrúchán Garda.
- Tá cóid iompair ag an scoil do phearsanra scoile. (foireann teagaisc agus neamhtheagaisc)
- Comhlíonann an scoil na nósanna imeachta araíonachta comhaontaithe don fhoireann teagaisc.
- Tá polasaí um Riachtanas Oideachais Speisialta ag an scoil.
- Tá beartas/plean maidir le dlúthchúram pearsanta ag an scoil maidir le daltaí a dteastaíonn cúram den sórt sin uathu.
- Tá beartas agus nósanna imeachta i bhfeidhm ag an scoil chun cógais a thabhairt do dhaltaí.

#### **Maidir leis an scoil:**

- Cuireadh cóip de Ráiteas um Chumhdach Leanaí na scoile ar fáil do gach ball d'fhoireann na scoile
- Cinntítear go gcuirtear cóip de Ráiteas um Chumhdach Leanaí na scoile ar fáil do gach ball foirne nua
- Spreagtar baill foirne chun leas a bhaint as oiliúint ábhartha
- Spreagtar baill an bhoird bainistíochta leas a bhaint as oiliúint ábhartha
- Coinnítear taifid ar gach oiliúint foirne agus ball boird
- Tá polasaí agus nósanna imeachta i bhfeidhm ag an scoil chun garchabhair a riar.
- Tá cóid iompair i bhfeidhm ag an scoil do dhaltaí.

- Tá Polasaí Úsáide Inghlactha i bhfeidhm ag an scoil, lena n-áirítear soláthar teagaisc agus foghlama ar líne ar bhonn cianda, agus tá an beartas sin curtha in iúl do thuismitheoirí.
- Tá beartas i bhfeidhm ag an scoil lena rialaítear úsáid fóin chliste agus gairis táibléad sa scoil ag daltaí de réir chiorclán 38/2018.
- Tá Plean Bainistíochta um Theagmhais Chriticiúla i bhfeidhm ag an scoil.
- Tá polasaí maidir le Teagmhálaí Baile agus Scoile agus nósanna imeachta gaolmhara i bhfeidhm ag an scoil.
- Ní fhágtar daoine seachtracha a úsáidtear chun seachadadh an churaclaim a fhorlíonadh, nó cóitseálaithe spóirt leo féin le scoláirí agus déantar cinnte go bhfuil grinn fiosrúchán déanta orthu.
- Má tá teagasc nó comhairleoireacht duine le duine ar siúl déantar cinnte go mbíonn an doras fágtha ar oscailt (más féidir) nó go bhfuil fuinneog sa doras.
- Tá polasaí agus nósanna imeachta i bhfeidhm ag an scoil maidir le socrúcháin d'ábhair mhúinteoirí.
- Ní fhágtar mic léinn atá i mbun taithí oibre sa scoil ina n-aonair le daltaí scoile.
- Úsáidtear aipeanna ateangaireachta nuair atá baill foirne i mbun cumarsáide le teaghlaigh, tuismitheoirí, caomhnóirí agus páistí Úcráineacha. Cuirtear ranganna GTB (Gaeilge mar Theanga Breise) agus EAL (English as an Additional Language) ar fáil do pháistí Úcráineacha gach lá, agus tagann múineoir seachtrach isteach uair sa tseachtain chun díriú ar Ghaeilge agus Béarla a mhúineadh do na páistí seo. Cuirtear tuismitheoirí & caomhnóirí Úcráineacha ar an eolas maidir le ranganna Gaeilge / Béarla do thosaitheoirí a bhíonn ar siúl sa gceantar, ar mhaithe le rath na cumarsáide idir scoil agus baile a chinntiú.
- Cúrsaí meabharshláinte agus imní a choimeád ar bharr a gcinn do theaghlaigh Úcráineacha. Teagmháil le siceolaí NEPS nó siceolaithe eile molta ag NEPS chun cúnamh a thabhairt i gcásanna ina n-éilítear an chúnamh sin.

**Nóta Thábhachtach:** Ba cheart a thabhairt faoi deara gur ionann riosca i gcomhthéacs an mheasúnaithe riosca seo agus an riosca “díobhála” mar a shainmhínítear san Acht um Thús Áite do Leanaí 2015 agus ní riosca ginearálta sláinte agus sábháilteachta. Tá an sainmhíniú ar dhíobháil leagtha amach i gCaibidil 4 de na Nósanna Imeachta um Chosaint Leanaí do Bhunscoileanna agus d’Iar-Bhunscoileanna 2017

Agus an measúnú riosca seo á dhéanamh, rinne an bord bainistíochta a dhícheall na rioscaí díobhála atá ábhartha don scoil seo a shainaitheint agus a chinntiú go bhfuil nósanna imeachta leordhóthanacha i bhfeidhm chun gach riosca a shainaitheint a bhainistiú. Cé nach féidir gach riosca díobhála a thuar agus a bhaint, tá na nósanna imeachta atá liostaithe sa mheasúnú riosca seo i bhfeidhm ag an scoil chun riosca a bhainistiú agus a laghdú a mhéad is féidir. Tá an measúnú riosca seo curtha i gcrích ag an mBord Bainistíochta ar an **3ú Deireadh Fómhair 2022**. Déanfar é a athbhreithniú mar chuid d’athbhreithniú bliantúil na scoile ar a Ráiteas um Chumhdach Leanaí.

Síniú: Michael S. MacDonnell Dáta: 03/10/2022

Cathaoirleach, An Bord Bainistíochta

Síniú:  Dáta: 03/10/2022

Príomhoide, Rúnaí an Bhord Bainistíochta